



Setyembre 21, 2002

***LUBUSANG LANSAGIN
ANG RHB!***

Durugin at tuluyang lansagin ang bandido, pasista at rebisyunistang “Rebolusyonaryong Hukbong Bayan” (RHB)!

Ito ang naghuhumiyaw na tungkulin ng rebolusyonaryong kilusan laban sa RHB. Sa pamumuno ng Partido Komunista ng Pilipinas (PKP) sa Bagong Hukbong Bayan (BHB) at rebolusyonaryong mamamayan, malalansag nang tuluyan ang kontra-mamamayan at kontra-rebolusyonaryong grupong ito.

Ang RHB ay ang armadong grupo ng rebisyunista't kontra-rebolusyonaryong “Marxista-Lenistang Partido ng Pilipinas” (MLPP) na itinayo ng grupitong pangkating Magdangal-Bill-Olive noong 1997. Pinangunahan ng grupitong ito ang paksyunalismo sa Gitnang Luzon (GL), ang paninira at pang-iintriga sa pambansa at panrehiyong pamunuan ng Partido. Nagtangka silang wasakin ang rebolusyonaryong kilusan sa rehiyon sa pamamagitan ng pagtutuloy sa mali at lihis na linya ng estratehiyong kontra opensiba (strategic counter offensive o SCO) at pagtuligsa sa Ikalawang Dakilang Kilusang Pagwawasto (IDKP). Nagluwal ang SCO ng oportunismong militar at insureksyusmong lunsod na naging dahilan ng malaking pag-atras ng Partido, Hukbo at baseng masa sa buong bansa kasama na ang Gitnang Luzon. Mula 1992, nang simulang ilunsad ang IDKP, wastong natukoy na dapat itakwil ang maling linya ng SCO na ipinatupad sa buong bansa kabilang ang G L mula pa 1981.

Dahil sa paksyunismo at pananabote sa rebolusyonaryong kilusan, itiniwalag noong 1997 sa Partido at Hukbo ang rebisyunista't kontra-rebolusyonaryong pangkating Magdangal-Bill-Olive. Mula nang natiwalag ang sangbugkos na mga rebisyunistang taksil na ito, nabunutan na ng tinik ang rebolusyonaryong kilusan at

(sundan sa pahina 2)



(Editorial... mula sa pahina 1)

nahawan na ang daan para sa pagpupuspos ng IDKP sa rehiyon.

Mula 1997 hanggang sa kasalukuyan, napakahaba na ng listahan ng krimen ng RHB laban sa mamamayan at sa rebolusyonaryong kilusan. Kabilang dito ang mga sumusunod:

- * Pakikipagkutsabahan at pagsama sa operasyon ng AFP, pulisya at iba pang bandidong paramilitar, pagsisilbing espiya at paramilitar laban sa BHB at mamamayan.
- * Pagsisilbing pribadong арми ng mga lokal na pulitiko at *jueteng lord* sa pamamagitan ng pagiging bayarang maton at berdugo
- * Pandarabong, pamimirata at pangongotong sa masa at mga negosyante
- * Pagpatay sa marami-rami nang bilang ng sibilyan na hindi nila mapilit na sumuporta sa RHB
- * Pagdukot at pag-missing sa isang kadre ng Bataan-Zambales
- * *Kidnap-for-ransom* at tuluyang pagpatay sa isang biktima na taga-Arayat, Pampanga
- * Kaso ng rape ng ilang tauhan ng RHB sa Dingalan, Aurora at Palauig, Zambales



- * Pandarahas at pananakot sa mga lider at kasapi ng mga organisasyong masa

Ipinakikita ng napakahabang listahan ng krimen ng RHB ang inabot ng kanilang pang-ideolohiya at pampulitikang pagkabulok. Wala ring karapatan ang bandidong grupong ito na magparusa sa tinutukoy nilang masasamang elemento dahil hindi naman sila hukbo ng mamamayan kundi mga kriminal na nagbabalatkayong mga rebolusyonaryo.

Sobra-sobra na ang pamiminsala ng bandido't pasistang paramilitar na ito! Hindi na matiis ng masa ang kanilang pang-aabuso. Kaya naman patuloy silang tinutugis ng BHB upang lansagin at papanagutin sa kanilang mga krimen. Mula 1999 hanggang sa kasalukuyan, tuluy-tuloy ang aksyong-militar ng BHB laban sa RHB.

Kailangan nang wakasan ang pananabotahe't karahasan ng bandidong RHB! Napakahalaga ng papel ng rebolusyonaryong mamamayan sa pampulitika at pangmilitar na paglalansag sa mga ito.

Ilan sa maaaring gawin ng masa ang mga sumusunod:

1. Organisahin at patatagin ang hanay para sa organisadong paglaban sa RHB. Armasan at ipagtanggol ang sarili sa pananabotahe, pananakot at pandarahas ng mga bandido.
2. Matyagan ang kilos ng mga tauhan ng RHB at kagyat na iulat ito sa yunit ng BHB.
3. Ipagkait sa bandidong pangkatin ang anumang impormasyon sa kilos ng BHB sa lugar.
4. Ipagkait sa pangkatin ang anumang suportang materyal, pinansyal at tektikal.
5. Tumulong na ilantad sa iba pang mamamayan ang pagiging pangkabangkarote, bulok, kontra-mamamayan at kontra-rebolusyonaryo ng RHB.

Lubusang lansagin at durugin ang kontra-mamamayan at kontra-rebolusyonaryong RHB!

Papagbayarin nang mahal ang RHB sa kanyang mga krimen laban sa mamamayan! *H*

MLPP-RHB, unti-unti nang nadudurog

Unti-unti nang nadudurog ang bandidong pangkatin ng “Marxista-Leninistang Partido ng Pilipinas” at “Rebolusyonaryong Hukbong Bayan” (MLPP-RHB) na gumagala at namiminsala ng masa sa latian ng Bulacan at Pampanga.

Mula nang ilunsad ng Partido ang paglalansag sa MLPP-RHB sa pulitika at militar, sunud-sunod na matatagumpay na taktikal na opensiba (TO) ang naibigwas ng Bagong Hukbong Bayan (BHB) sa bandidong pangkating ito.

Kauna-unahang dinisarmahan ng BHB ang RHB noong Agosto 25, 1999 sa isang reyd na walang putok sa isang walo-kataong pangkat ng mga bandido na pinamumunuan ni Reggie. Mula noon, sunud-sunod na ang mga dagok na ipinalasap ng mga Pulang Mandirigma sa RHB.

Lahat-lahat, umaabot na sa 13 riple, 3 pistola, anim na bangkang de-motor, mga bala at magasin at marami pang kagamitang militar ang nakumpiska na ng BHB mula sa mga matatagumpay na aksyong-militar laban sa RHB.

Nito lamang Abril hanggang Hunyo, apat na matatagumpay na taktikal na opensiba (TO) ang inilunsaad ng mga Pulang mandarigma ng BHB laban sa mga bandidong RHB.

Dinurog ng mga Pulang Mandirigma ng BHB ang isang walo-kataong pangkat ng RHB habang nakahimpil ang mga ito sa isang palaisdaan sa Taliptip, Bulacan, Bulacan nitong Hunyo 29. Napatay dito ang iskwad lider at pangalawang iskwad lider ng mga bandido samantalang nabihag naman ang anim na iba pa na pawang sugatan. Nakumpiska sa kanila ang limang matataas na kalibtreng baril, dalawang bangkang de-motor at walong pak na naglalaman ng mahahalagang dokumento ng RHB at ng MLPP.

Matapos paliwanagan, kagyat na pinauwi ang anim na nabihag.

Isang 20-kataong pangkat naman ng RHB ang inasolt ng 14-kataong tim ng BHB noong Hunyo 5 sa isa pang palaisdaan sa Bulacan. Sa takot, kagyat na nagsitakas ang mga bandido. Naklining ng mga Pulang Mandirigma mula sa inabandonang pwesto ang dalawang M-16 riple at siyam na *back pack*.

Inasolt naman ng BHB ang isang pito-kataong pangkat ng RHB noong Mayo 25 ng hapon sa sitio Gumitnang Malaki, San

Pascual, Hagonoy, Bulacan.

Matapos ang 30 minutong labanan, nagsitakas ang mga bandido subalit naiwan nila ang isang *garand*, isang *thompson*, isang *ammunition belt*, pitong *back pack* at mga paktura ng bigas, kape at asukal.

Noong Abril 24, isang yunit ng RHB ang pinaputukan ng isang nakatalibang Pulang Mandirigma nang naparaan ang mga ito sa kasalukuyang hinihimpilan ng BHB sa Taliptip, Bulacan. Dalawang tauhan ng bandidong pangkat ang nasugatan. Kagyat namang tumalilis ang iba pang RHB at inabandona ang kanilang bangka.

Ang RHB ay armadong bandido at pasistang grupo ng rebisyunistang pangkating MLPP. Kabilang sa kanilang mga krimen sa mamamayan ang pagpatay, pananakit, pananakot, pagnanakaw at pangongotong sa mga lalawigan ng Bataan, Bulacan, Pampanga at Zambales. Mayroon din silang dalawang kaso ng panggagahasa sa Dingalan, Aurora.


Tumatayo ring pwersang paramilitar ng Armed Forces of the Philippines (AFP) at Philippine National Police (PNP) ang RHB. May ilang mga pagkakataon na kasa-kasama ito ng mga militar sa mga operasyon laban sa BHB at sa mamamayan. *H*

Mga pamamaslang ng bandidong RHB

Tuluy-tuloy na nanibasib ang mga bandidong RHB sa mamamayan. Palibhasa'y nasusukol na at sumisikip ang eryang ginagalawan, kaya higit itong naging buhong sa pananakot, pamiminsala at pagpatay sa mga inaakala nilang taga-suporta ng Bagong Hukbong Bayan at ng rebolusyonaryong kilusan.

Kaugnay nito ay nagsagawa ng independyenteng imbestigasyon ang isang grupo na kabilang sa organisasyon ng taong simbahan at karapatang-tao. Narito ang ilang tala sa ginawang pananaliksik sa mga baryong sinalanta ng RHB.

Mga pinaslang ng bandidong RHB sa Zambales ngayong taong ito:



1. Romeo Nepomuceno ng Brgy Salaza, Palauig, Zambales. Pinaghinalaan ng RHB na nakikipag-ugnayan sa mga NPA.

2. Genaro Cortuna ng Brgy Pangolingán, Palauig, Zambales. Pinaslang noong Abril 23. Pinaghinalaang naging giya ng mga NPA.

3. William Fabro ng Sitio Cupao-Cupao, Pangolingán. Dinukot noong Hunyo 13 at pinatay din noong Hunyo 17. Pinaghihinalaang ito'y kasapi ng rebolusyonaryong kilusan.

4. Wilson Mamaril ng Brgy Bamban, Masinloc, Zambales. Isang *security guard* sa Pangasinan. Umuwi ng Bamban para dumalo sa kasal. Binaril ng mga nagpakilalang RHB.

5. Nestor Dasca ng Sitio Dampay, Brgy. Salaza, Palauig. Dating militar at may masamang rekord sa baryo.

6. Edwin Salazar ng Brgy Pangolingán, Palauig. May masamang rekord sa baryo. May dalawa pang kapatid (Tony at Dante) na pinaslang din limang taon nang nakalillipas.

7. Jimmy Nasin. Brutal na pinatay. Halos madurog ang bangkay sa dami ng tama ng bala.

8. Cardo Genes

Ang mga datos na ito ng pagpaslang ay hanggang Hunyo at sa Zambales lamang. Inaasahan ng mga nanaliksik na magtatala ng panibagong mga krimen ang bandidong grupo habang hindi pa ito lubusang nalalansag ng Bagong Hukbong Bayan sa tulong na rin ng mamamayan.*H*

(Tuluyang lansagin... mula sa pahina 6)

kolektor ng kotong noong Oktubre 23, 2001 sa San Esteban, Macabebe. Sinundan pa ito noong sumunod na buwan ng Nobyembre. Inupakan ulit sila ng NPA sa Taliptip, Bulacan noong Abril 28, 2002, at sa San Pascual, Hagonoy nitong Mayo 25. Ang ilan naman sa pinakatalamak na mga alagad nila ay ginawaran na ng parusang kamatayan.

Nagluwal ng inisyal na ganasya para sa masa rebolusyonaryong kilusan at Hukbo ang inabot na kampanya sa paglalansag sa bandido. Kung ilang mga pinuno at kasapi ng RHB ang sumuko sa NPA, kabilang sina Reggie at Tammy, pawang mga dating iskwad lider ng pangkat ng RHB nag gumagala sa Bulacan. Lahat-lahat, umabot na sa 13 riple, 3 pistol, mga bala at magasin, 6 na bangka't motor ang nakukumpiska ng NPA mula sa mga aksyong militar laban sa RHB.

Kahit sa ibang mga lugar kung saan naghahasik din sila ng lagim, itinataboy at binibira sila ng mga yunit ng NPA na kumikilos doon. Halos maubos ang isang pangkat ng bandido sa Mexico, Pampanga nang dalawang beses itong tambangan.

Talagang kailangan nang mawakasan ang pananabotahe at karahasan ng kriminal na pangkat



ng RHB. Hindi na sila maaaring makapinsala pa, lalupa't nagbubunga na ang mga pagkilos at pakikibaka ng masa. Sagka sila sa pagsulong ng rebolusyonaryong programa ng masa sa pangisdaan. Sinasabotahe nila ang pagpapatupad ng programa at patakaran ng mga samahang mangangapa at iba pang maralitang mangingisda, ng mga manggagawang palaisdaan, bantay-palaisdaan at iba pang mamamayan sa latian ng Pampanga.

Sukdulan na ang kawalanghiyaan ng mga bandido! Suklam na suklam na ang lahat sa kanila. Kailangan tuluyan na silang malansag. Upang maisagawa ito, matyagan natin ang kanilang kilos at agad na iulat sa yunit ng NPA ang kanilang kinaroroonan. Ipagkait din natin sa kanila ang anumang suporta at impormasyon sa kilos ng NPA sa lugar.

Bilang na ang kanilang araw!
Malapit na ang kanilang wakas!



Partido Komunista ng Pilipinas (CPP)
Bagong Hukbong Bayan (NPA)
Kanlurang Bulakan-Pampanga
Hunyo 25, 2002

Tuluyang lansagin ang bandidong RHB! Wakasan ang kanilang pamiminsala sa mamamayan!

Nanggugulo na naman ang bandidong pangkat ng RHB. Palibhasa nasusukol na, kaya mistulang asong ulol na sinasakmal ang kahit sino na lang na makursunadahan.

Naitaboy na ang bandidong pangkat na ito noong huling bahagi ng taong 2001. Sa panahong ito, may ilang buwan ding payapa ang ating lugar. Napahinga ang latian ng Bulacan-Pampanga sa kanilang pangungulimbat, pananakot at paghahasik ng lagim.

Pero dahil desperado na, kahit sisinghap-singhap at sumusuray-suray na, muling bumabalik ang mga bandido. Katulad ng dati, pawang mga walang kalaban-labang mamamayan ang kanilang pinipinsala.

Tampok sa pinakahuli nilang krimen sa mamamayan ay naganap noong Abril 27, 2002, sa gabi ng kapistahan ng Consuelo, Macabebe, Pampanga. Inakyat ng isang pangkat ng RHB ang baryo, ginulo ang prusisyon ng piyesta, marahas na pinasok ang ilang kabahayan at pinalabas ang mga lalaki. Tinutukan ng baril ang sinumang nakita kahit matandang may sakit at pati bata.

Pagkatapos ng kanilang paghuhuramentado sa baryo, sinugod nila ang isang bantay sa kalapit na palaisdaan, nginudngud sa pagpag, tinutukan ang anak na 12 taong gulang at sinita sa pagtanggap sa mga NPA. Kinuha pa lahat ng nahuli sa lumpot na mga sugpo at hipon.

May pangyayari ding pinagbabaril ang mismong bantay ng kubong tinutuluyan ng RHB. Ang bantay at kanyang asawa ay galing sa baryo at papauwi na sa kubo nang sila ay paputukan. Nitong huli, Hunyo 23 ng gabi, binaril nila at grabeng nasugatan ang isang babaeng taga Consuelo.

Di na rin mabilang ang mga pangungulimbat at ekstorsyon na patuloy na ginagawa sa mga namamalaisdaan. Magmula huling bahagi ng taong

2001, kung ilang bangka ang kanilang nakukulimbat at pinatutubos sa mayari para magkapera. Puwera pa ang mga cooler ng sugpo at iba pang mga kasangkapan sa palaisdaan, maging personal na gamit ng bantay, kinukuha basta't kanilang magustuhan.

Labis-labis na ang pamiminsala ng mga kriminal! Di na matiis ng masa ang pang-aabuso nila.

Kaya, patuloy silang tinutugis ng NPA upang lansagin at papanagutin sa kanilang mga krimen

sa mamamayan. Tuluy-tuloy ang mga

aksyong militar ng NPA laban sa RHB.

Makailang ulit na silang nagawaran ng maririing dagok magmula pa noong sila ay naging tulisan. Kauna-unahang nadis-armahan at nalansag ang pangkat noong Agosto 25, 1999 sa Taliptip, Bulacan, Bulacan. Sunud-sunod pa ang mga bira ng NPA sa kanila. Inambus ng NPA ang isang pangkat ng

(sundan sa pahina 5)

